



*10.09.16*

Broj: 05-07-3-424/16  
Sarajevo, 14.9.2016 godine

PARLAMENTARNA SKUPŠTINA BiH  
- Zastupnički dom -

SARAJEVO

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: <i>10.09.16</i>			
Organizaciona jedinica	Klasifikaciona oznaka	Redni broj	Broj priloga
<i>0559-1</i>	<i>13</i>	<i>24</i>	<i>16</i>

**PREDMET:** Dostava Informacije i Izvješća

**V e z a:** Vaš akt broj: 01-50-1-15-24/16 od 2.3.2016. godine i  
broj: 01-50-2-13-36/16 od 1.8.2016. godine

Vezano za vaše akte, gornjih oznaka i datuma, u prilogu dostavljamo Informaciju o izravnim inozemnim ulaganjima u Bosnu i Hercegovinu u 2015. godini i Izvješće o aktivnostima Agencije za unaprijeđenje stranih ulaganja na promidžbi izravnih inozemnih ulaganja u Bosnu i Hercegovinu u 2015. godini.

S poštovanjem,






## INFORMACIJA O DIREKTNIM STRANIM INVESTICIJAMA U BOSNI I HERCEGOVINI I IZVJEŠTAJ O AKTIVNOSTIMA FIPA NA PROMOCIJI DSI U BIH U 2015. GODINI

(izrađena u FIPA BiH po zaključku Savjeta Ministara BiH sa 44. Sjednice, vezano za poslaničko pitanje - Inicijativu poslanika g. Denisa Bećirovića, s prilogom: Prijedlog mjera za unapređenje politike privlačenja stranih investicija, izrađen od strane Ministarstva spoljnje trgovine i ek. odnosa BiH)

Prema podacima Centralne banke BiH, čije podatke kao jedine relevantne koriste i sve međunarodne institucije koje se bave analizom direktnih stranih investicija, ukupne direktne strane investicije u periodu maj 1994 - decembar 2014. godine iznosile su 11,643 miliona KM (6 milijardi eura). U ukupnim stranim direktnim investicijama u ovom periodu, najveći iznosi investicija su investirani iz Austrije, Srbije, Hrvatske, Rusije i Slovenije, pri čemu su najznačajnija ulaganja u proizvodnju, zatim slijede bankarstvo, telekomunikacije i trgovina. Direktne strane investicije u 2014. godini su iznosile 740 miliona KM, što predstavlja rast od 66.3% u odnosu na 2013. godinu. Zvanični podaci Centralne banke BiH o direktnim stranim investicijama u 2015. godini objavljuju se devet mjeseci po isteku izvještajne godine, a trenutno su dostupni podaci o DSU za 2015. godinu kroz podatke u okviru Platnog bilansa BiH sa procijenjenim zadržanim zaradama, te za period januar – septembar 2015. godine u okviru tokova DSU, bez iznosa zadržanih zarada.

### Direktna strana ulaganja za 2015. u okviru Platnog bilansa BiH

Prema preliminaranim podacima u okviru Platnog bilansa BiH, direktna strana ulaganja u 2015. godini su iznosila 473 miliona KM (242 miliona eura), što predstavlja smanjenje u odnosu na 2014.g. U prilogu tabelarni prikaz po godinama u milionima KM:



Izvor: Centralna banka BiH, Tokovi DSU 2006 – 2014, \* 2015 Platni bilans BiH sa procijenjenim zadržanim zaradama (Neto stvorene finansijske obaveze)

Prema podacima iz Platnog bilansa BiH za 2015. godinu, direktne investicije (sa procijenjenim zadržanim zaradama) po kvartalima su iznosile:

- Q1 2015 – 60.9 miliona KM,
- Q2 2015 – 168.0 miliona KM,
- Q3 2015 – 81.3 miliona KM i
- Q4 2015 – 162.8 miliona KM.

Podaci o DSU iz Platnog bilansa BiH nisu dostupni po zemljama ili djelatnostima.

Privremeni iznosi DSU su značajno niži od očekivanih, obzirom na projekte stranih investitora koji su realizovani ili su u fazi realizacije. Uz moguće finansijske tokove i činjenicu korištenja kreditnih aranžmana za realizaciju projekata, razlog može biti i ograničena statistika DSU koja je od septembra 2014. godine bez podataka Ministarstva vanjske trgovine i ekonomskih odnosa (MVTEO podaci o registracijama / preregistracijama kompanija sa stranim kapitalom su korišteni kao baza i za obradu podataka od strane Centralne banke BiH).

### **Globalna kretanja investicija**

Važnu ulogu u kretanju i privlačenju investicija imaju globalna ekonomska kretanja, a značajan negativni uticaj i otežavajuću okolnost u procesu privlačenja stranih investicija ima poslovno okruženje, politička situacija i niska konkurentnost privrede u BiH.

UNCTAD World Investment Report 2015 (WIR 2015) - Izvještaj o globalnim tokovima direktnih stranih investicija i pored prošlogodišnjih pozitivnih procjena, potvrđuje pad DSI na globalnom nivou u 2014 za 16.3 %. U skladu sa rezultatima za 2014. godinu, smanjene su i procjene za budući rast stranih investicija. Procjene i prognoze u okviru izvještaja govore da će u naredne dvije godine doći do rasta te da će nivo stranih investicija u 2015. godini biti 1,368 milijardi dolara, što predstavlja rast od 11.4% u odnosu na 2014, i nastaviti će da raste u 2016.g.

U izvještaju je navedeno da su DSI u 2014.g. smanjena, pritisnuta krhkošću svjetske ekonomije, neizvjesnim regulatornim okruženjem i geopolitičkim rizicima.

Bosna i Hercegovina u 2016.g. može očekivati pozitivne pomake na kretanju povoljnijeg poslovnoga okruženja, posebno radi preuzetih obaveza u Reformske agendi usvojenoj od strane svih nivoa vlasti u BiH, te stupanja na snagu SSP-a i predaji zahtjeva za stjecanje kandidatskog statusa za EU, što može pozitivno uticati na povećanje priliva SDI.

Važno je napomenuti da promocija, kao dio procesa privlačenja investicija ne može nadoknaditi nedostatke sistema. Bosna i Hercegovina je složena zemlja i sve neusaglašenosti direktno utiču na proces privlačenja i zadržavanja investitora kao i kretanje pozitivnog imidža investicione lokacije.

### **Aktivnosti FIPA-e na promociji stranih direktnih investicija**

Proces promocije i privlačenja direktnih stranih investicija zahtijeva zajedničke aktivnosti i napore svih institucija BiH, od onih na nivou države do lokalnih zajednica.

Nedostatak strateškog dokumenta koji bi regulisao ovu oblast predstavlja otežavajuću okolnost ka sistemskom pristupu promociji i privlačenju investicija. Postojeća Strategija za promociju i privlačenje investicija u BiH usvojena od strane SM BiH 2006.g. je zastarjela, te je neophodnost izrade novog strateškog dokumenta Savjet ministara prepoznao i Zaključkom

sa 12. sjednice održane 25.06.2015. godine, zadužio Agenciju za unapređenje stranih investicija u BiH – FIPA da, u saradnji sa svim nivoima vlasti, izradi Okvirnu strategiju BiH za privlačenje i promociju stranih investicija. Postupajući po Zaključku SM BiH, održani su sastanci s predstavnicima entitetskih vlada i Vlade Brčko distrikta pri čemu su usaglašeni stavovi i napravljen dokument „Prijedlog projektnog zadatka za Okvirnu strategiju za privlačenje i promociju DSU 2016 -2020“. Isti je upućen na usvajanje Savjetu ministara 01.12.2015. godine na razmatranje i usvajanje.

U cilju organizacije koordiniranog pristupa promociji i privlačenju investicija FIPA je u junu 2015. godine organizovala Okrugli sto na temu „Koordinacija aktivnosti u procesu privlačenja stranih investicija“, gdje je jedan od zaključaka bio da FIPA i Ministarstvo inostranih poslova BiH, u saradnji sa Ministarstvom spoljne trgovine i ekonomskih odnosa BiH, kabinetima članova Predsjedništva BiH i predsjedavajućeg Savjeta ministara BiH, predstavnicima entitetskih vlada, Vlade Brčko distrikta, Spoljnotrgovinske komore BiH, pripreme smjernice za organizaciju poslovnih foruma u inostranstvu uključujući i kalendar događaja.

O ovom zaključku upoznat je i Savjet ministara BiH na 14. sjednici održanoj 08.07.2015. godine, te s tim u vezi, predstavnici navedenih institucija održali su niz sastanaka i utvrdili prijedlog Smjernica za organizaciju poslovnih foruma koji je upućen Savjetu ministara na razmatranje i prihvatanje.

U cilju unapređenja imidža BiH, kao sigurne i stabilne lokacije za investiranje, FIPA je u okviru svojih redovnih aktivnosti putem dostupnih komunikacijskih kanala pružala informacije o napretku uslova poslovanja, uspješnim pričama i realizaciji konkretnih projekata; učestvovala na značajnim međunarodnim investicionim sajmovima i konferencijama, učestvovala u regionalnim projektima i inicijativama, te je organizovala i učestvovala na tematskim događajima u saradnji s institucijama u BiH.

Za realizaciju zakonskih nadležnosti FIPA je u skladu s Planom rada, svoje aktivnosti u 2015. godini usmjerila na:

- U 2015. godini predstavnici FIPA-e su na skupovima u BiH i inostranstvu održali 26 prezentacija o mogućnostima i potencijalima za investiranje u BiH, a samostalno i u saradnji sa drugim institucijama FIPA je uzela učešće na sljedećim značajnim skupovima: Sajam EXPO Real Minhen, RENEXPO BiH i RENEXPO Beograd 2015., WAIPA Investicijska konferencija, ZEPS, te konferencije organizovane u sklopu GOLD projekta. Također, organizovana su 3 okrugla stola: „Koordinacija aktivnosti u procesu privlačenja direktnih stranih investicija“, u saradnji s VTK okrugli stol „Mogućnosti korištenja EU fondova i pronalaženje stranih partnera“ u okviru Mostarskog sajma, te prezentacija nacrtu UNCTAD dokumenta Investment Policy Review for Bosnia and Herzegovina u Sarajevu.

- Učešće u međunarodnim i regionalnim projektima, WAIPA (Međunarodna asocijacija agencija za promociju investicija), BIGMEV (Centar za razvoj odnosa Turska-BiH), USAID, SIDA, UNCTAD, Compact Mechanism for the Investment promotion Agencies of China and CEE Countries, The South East Europe Investment Committee (Investicioni komitet jugoistočne Evrope) i the SEEIC-CEFTA Joint Working Group on Investments (Joint WGI) koji su u sastavu RCCa (Regionalni Savjet za saradnju), Turkish-Bosnian Business Council, China Chamber of Commerce for Machinery and Electronics, Invest in BEAR area in Bosnia and Herzegovina na platformi [www.cccme.org.cn/CCCMEService/Investment/enlogin.aspx](http://www.cccme.org.cn/CCCMEService/Investment/enlogin.aspx), dio je redovnih aktivnosti Agencije koje su u skladu sa opštom opredijeljenošću BiH za unapređenjem regionalne saradnje.

-Saradnja s diplomatsko-konzularnim predstavništvima BiH, stranim ambasadama i međunarodnim organizacijama se kontinuirano unapređuje, kako bi se koristeći njihovu logistiku povećao broj kontakata i dostavile informacije što većem broju potencijalnih investitora.

U svrhu promovisanja i pružanja kvalitetnih informacija potencijalnim investitorima i drugim ciljnim grupama izrađene su i ažurirane generalne brošure: Investment opportunities in Bosnia and Herzegovina, Frequently Asked Questions, How to establish business, Steps for Obtaining Work Permits in B&H, B&H Tax system, i sektorske brošure: Energetski sektor, poljoprivredno-prehrambeni, metalni sektor, drvoprerađivački, turizam, ICT i tekstilni sektor.

-Kroz ostvarene kontakte i direktnu komunikaciju s potencijalnim investitorima otvara se put da se kanališu informacije te se indirektno utječe, kako na odabir investicijske lokacije tako i na donošenje odluke o investiranju. Aktivnosti usmjerene na direktne kontakte s investitorima odnosile su se na povećanje broja direktnih kontakata sa ciljnim grupama, te je u tu svrhu:

- tokom 2015.g. ukupno odgovoreno na oko 620 upita i održano je 270 sastanaka s potencijalnim investitorima, predstavnicima institucija u BiH, ekonomskim savjetnicima stranih ambasada, konsultantskim kućama, domaćim privrednicima-predlagačima projekata...
- u 2015.g. informacije o poslovnom okruženju i investicijskim potencijalima poslane na 820 adresa iz baze kontakata, a FIPA je prikupila i 49 novih projekata, te informacije o 59 novih investicionih lokacija.

-FIPA je tokom 2015.g. dio aktivnosti, samostalno ili u saradnji s drugim institucijama u BiH, usmjerila na servisiranje i postinvesticionu podršku investitorima, kroz aktivnosti koje se mogu podijeliti u dvije grupe: Aftercare posjete, koje se realizuju kroz direktne posjete i sastanke sa stranim ulagačima, te dio koji se odnosi na predlaganje i praćenje implementacije mjera za poboljšanje uslova poslovanja u BiH.

Tokom 2015.g. FIPA je u saradnji s partnerima iz saradničke mreže i samostalno, organizovala i posjetila ukupno 70 kompanija koje imaju elemente stranog uloga. Na osnovu informacija prikupljenih na sastancima i kroz upitnike od postojećih stranih investitora radi se analiza uslova poslovanja i prijedlog prioriternih mjera za poboljšanje poslovnog okruženja. Savjet ministara BiH je na 12. sjednici održanoj 25.06.2015. godine razmotrio i usvojio Izvještaj o aftercare aktivnostima Agencije za unapređenje stranih investicija u Bosni i Hercegovini – FIPA za 2014. godinu, s preporukama za poboljšanje poslovnog okruženja u Bosni i Hercegovini, te zadužio FIPA-u da izvještaj s preporukama dostavi svim nadležnim institucijama BiH, vladama entiteta i Brčko Distrikta, što je i urađeno.

Ukupan broj preporuka koje je FIPA u 2015. godini uputila u navedenom izvještaju za 2014. godinu prikazan je u nastavku:

#### **BiH nivo**

- Sporazumi o izbjegavanju dvostrukog oporezivanja
- Upustvo o pojednostavljenom postupku carinjenja po fakturi BiH („Službeni glasnik BiH“, broj 4/15, 30/15)
- Odluka o postupku ostvarivanja prava na oslobođanje od plaćanja uvoznih dažbina na opremu stavljenju u slobodan promet koja predstavlja ulog stranog lica (Službeni glasnik BiH broj 19/05)

- Projekti od strateškog značaja – inicijativa za izradu i usvajanje Zakona o strateškim investitorima/investicijama u BiH
- Pravni i institucionalni okvir za elektronski potpis
- Usvajanje Zakona o obligacionim odnosima BiH
- Zakon o međunarodnoj pravnoj pomoći u građanskim stvarima BiH
- Smanjenje korupcije
- Poljoprivreda, proizvodnja hrane i ruralni razvitak
- Energija i obnovljivi izvori energije
- Razvoj malih i srednjih preduzeća
- Izmjena i dopuna Zakona o PDV-u-Neodgovarajući i nestimulativni rokovi plaćanja i povrata PDV-a

#### **Nivo entiteta**

- Registracija privrednih društava
- Pojednostaviti registraciju poslovnih subjekata u FBiH – uvesti jednošalterski sistem-one stop shop
- Smanjenje temeljnog osnivačkog kapitala
- Ukidanje obaveze notorske ovjere akata za pravna lica
- Smanjivanje procedura i vremena za plaćanje poreza
- Zakon o porezu na dobit
- Zakon o porezu na dohodak Federacija BiH
- Smanjenje socijalnih doprinosa u FBiH
- Smanjenje parafiskalnih nameta
- Opća vodna naknada
- Ukidanje naknade za opštekorisnu funkciju šuma
- Naknade za revizorske usluge finansijskih izvještaja
- Radni odnosi
- Institut menadžerskog ugovora
- Visine porodijskih naknada - neusuglašenost propisa između kantona FBiH
- Implementacija Zakona o profesionalnoj rehabilitaciji, osposobljavanju i zapošljavanju lica sa Invaliditetom - FBiH
- Zakon o zapošljavanju stranaca FBiH (Službene novine Federacije BiH, broj 111/12)
- Zakon o šumama na nivou Federacije BiH, usvajanje zakona
- Zakon o izvršnom postupku Federacije BiH
- Zakon o likvidacionom postupku
- Izmjene zakona o porezu na dohodak Republike Srpske (Službeni glasnik RS broj 91/06, 128/06, 120/08, 71/10, 1/11, 107/13)- Ukidanje oporezivanja dividende i udjela u dobiti
- Izmjene zakona o porezu na dobit RS (91/06 i 57/12)- Izvršiti harmonizaciju propisa i poreskih olakšica sa FBiH
- Porez na nepokretnost Republike Srpske (Službeni glasnik Republike Srpske broj (110/08, 118/09 64/14)
- Obaveze po osnovu republičke takse Ukidanje komunalne naknade
- Naknade za zatvaranje društva - Zakon o sudskim taksama (Službeni glasnik RS broj 73/08 i 47/09, 67/13 )
- Izmjena zakona o dječijoj zaštiti ( Službeni glasnik RS broj: 04/02, 1/09) – porodijsko odsustvo

- Kolizija Zakona o trgovini i Zakona o fiskalnim kasama u Republici Srpskoj
- Zakon o veterinarstvu Republika Srpska
- Zakon o jedinstvenom sistemu za multilateralu kompenzaciju i cesije – donijeti podzakonske akte
- Donošenje Zakona o faktoringu
- Izmjene Zakona o deviznom poslovanju

U svrhu izrade ovih preporuka razmotreni su svi propisi iz zadatih oblasti te urađene komparacije sa rješenjima iz susjednih zemlja (država, entiteti, kantoni te zakonodavstvo iz susjednih zemalja – shodno traženju investitora posjećenih tokom 2014. godine) te su urađene analize dokumenata: Doing business, IFC Bijela Knjiga, UNCTAD izvještaj za 2014. godinu, te izvještaji Udruženja poslodavaca u entitetima i sl..

**U Bosni i Hercegovini tokom 2015. godine usvojeni su sljedeći propisi od interesa za strana ulaganja:**

#### **DRŽAVNI NIVO**

Značajna novina za investitore su donošenje izmjena i dopuna Zakona o politici direktnih stranih ulaganja (Službeni glasnik BiH, broj 22/15) i ) usvajanje Zakona o strancima BiH („Službeni glasnik BiH“ br. 88/15) kojim se regulišu pitanja radnih dozvola, ulaska i boravka stranaca u BiH.

Zakon o strancima je usklađivan s 10 direktiva i 11 uredbi Evropske unije i reguliše postupak ulaska stranaca u BiH, uključujući i vizni i bezvizni režim, putne isprave za strance, boravak stranaca i njihovo udaljenje iz BiH, njihov prihvrat i stavljanje pod nadzor.

Riječ je o sveobuhvatnom zakonu čijim donošenjem se želi na trajniji i efikasniji način riješiti pitanje migracionih tokova u Bosni i Hercegovini, uz uvažavanje međunarodnih normi i bh. realnosti.

#### **REPUBLIKA SRPSKA**

Donošenjem novog Zakona o porezu na dohodak (Službeni glasnik RS broj 60/15) ukinuto je oporezivanje dividende.

Usvojen je novi Zakon o porezu na dobit (Službeni glasnik RS broj 94/15) čija je primjena započela u 2016 godini, usvojeni su i Zakon o izmjenama Zakona o ekšproprijaciji, Zakon o porezu na nepokretnosti.

Donošenjem podzakonskih akata u oblasti multilateralne kompenzacije i cesije uspješno je sprovedena i prva multilateralna kompenzacija u nadležnosti Banjalučke berze.

#### **FEDERACIJA BIH**

U Federaciji FBiH učinjene su važne promjene, prije svega, u području radnog i privrednog prava

- Zakon o privrednim društvima u Federaciji Bosne i Hercegovine (Službene novine FBiH broj 81/15) učinjen je veliki napredak u oblasti privrednog prava, kojim je između ostaloga osnivački kapital doo smanjen je na 1000 KM, te je omogućeno osnivanje poslovne jedinice stranog pravnog lica kao što je i jasno definisan način obavljanja djelatnosti i početak obavljanja djelatnosti privrednog društva.

- Usvajanjem Zakona o izmjenama i dopunama Zakona o stranim ulaganjima FBiH („Službene novine FBiH“ br. 61/01, 50/03 i 77/15), došlo je do usklađivanja ovog propisa sa Zakonom o politici direktnih stranih ulaganja u Bosni i Hercegovini („Službeni Glasnik BiH“ br. 17/98, 13/03, 48/10 i 22/15).

U odnosu na navedeno, očito je da postoji blagi pozitivni pomak ali strani investitori su i dalje suočeni sa nizom prepreka. Za unapređenje ekonomskog prostora BiH i dalje je neophodno sprovesti brojne aktivnosti na usklađivanju poslovnog okruženja. Poslovno okruženje u BiH još uvijek obilježavaju brojna regulatorna ograničenja, u određenim slučajevima zastrajeli, nejasni i neprimjenjivi propisi, te sporost u postupanju nadležnih organa. Ovim se značajno usporava proces ekonomskog razvoja, a između ostalog i nameću značajni ekonomski troškovi privrednim subjektima.

### **Ostale aktivnosti**

Najbolji promotori BiH su zadovoljni postojeći investitori koji svojim iskustvima potiču i druge na investiranje. Kako bi se na kvalitetan način prepoznao i nagradio rad postojećih investitora FIPA tradicionalno organizuje manifestaciju „Izbor najznačajnijeg stranog investitora u BiH“. Dodjela priznanja najznačajnijim investitorima predstavlja jedan mali korak ka institucionalnoj podršci investorima za njihov rad i doprinos u razvoju BiH ekonomije.

-Prepoznajući važnost sredstava javnog informisanja, kako stranih tako i domaćih, u kreiranju imidža FIPA kontinuirano radi na unapređenju suradnje s medijima, te je tokom 2015. godine, putem javnih medija, objavljeno: 90 odgovora na upite, izjave, gostovanje u tematskim emisijama; 126 vijesti u rubrikama: poslovne vijesti, FIPA aktivnosti i važni događaji i na facebooku; 12 newslettera na engleskom jeziku i 12 na službenim jezicima BiH; 2 saopštenja za medije; 1 tekst o prikupljanju investicionih projekata u Business magazinu; prevođenje i objavljivanje 5 članaka i intervju a na francuskom portalu bh.inho.fr.

Aktivnosti FIPA-e, poslovne i privredne vijesti, raspoloživi investicioni projekti, tenderi, stečaji i sve informacije koje utiču na odluke o ulaganjima, redovno se objavljuju i na FIPA web stranici kao i na Facebook-u i Youtube kanalu, koji su se pokazali kao dobar alat za distribuisanje informacija i komunikaciju sa ciljnim grupama.

### **Plan mjera i aktivnosti FIPA za povećanje priliva direktnih stranih investicija u BiH**

Uvažavajući plan Direkcije za ekonomsko planiranje BiH o privlačenju 880-920 miliona KM stranih investicija u 2016. godini, Agencija je postavila sebi odgovoran i ambiciozan plan aktivnosti na uspostavljanju što većeg broja kontakata sa potencijalnim stranim investitorima, stranim firmama i privrednim udruženjima, vladinim i nevladinom institucijama, stranim ambasadama i privrednim predstavništvima u BiH, DKP mrežom BiH, bh. dijasporom, itd.



Da bi ostvarila planirano FIPA se opredijelila na korištenje svih raspoloživih kanala promocije a u cilju generisanja novih Investicija i poboljšanja imidža zemlje što i jesu osnovne nadležnosti i zadaci propisani Zakonom o Agenciji za unapređenje stranih Investicija u BiH.

Aktivnosti FIPA na generisanju novih Investicija u narednom periodu će obuhvatati :


- U skladu sa Zakonom, konkretno uvezivanje svih relevantnih institucija koje učestvuju u procesu privlačenja stranih investicija i iznalaženje pravog načina uspješne koordinacije subjekata koji mogu doprinijeti povezivanju potencijalnih investitora i tražilaca investicija
- Učešće na specijalizovanim poslovnim forumima, susretima i konferencijama koje se organizuju u saradnji sa drugim institucijama BiH, entiteta i Brčko Distrikta, na kojima će FIPA uz sastanke i prezentacije promovisati potencijale i atraktivne investicione projekte iz BiH i ukazivati na konkurentske prednosti BiH
- Učešće na najznačajnijim specijalizovanim investicionim konferencijama i sajmovima u svijetu
- Učešće na poslovnim misijama, okruglim stolovima, jedan-na-jedan prezentacijama koje organizuje FIPA samostalno ili u saradnji sa drugim institucijama i međunarodnim organizacijama
- Organizovanje tzv. outreach kampanja, putem kojih će se realizovati direktni sastanci u kompanijama u ciljanim zemljama, na kojima će se upoznati sa posebnim ponudama osmišljenim za te kampanje
- Plasiranje informacija o investicionim projektima putem DKP mreže
- Saradnja sa dijasporom i učešće na događajima i privrednim manifestacijama koje organizuju u cilju motivisanja da ulažu u BiH
- Direktni kontakti sa potencijalnim investitorima – sastanci i direktni upiti
- Posjete i direktni kontakti sa lokalnim zajednicama u cilju prikupljanja projekata
- Ažuriranje i distribucija raspoloživih promotivnih materijala
- Izrada promotivnih materijala, pored engleskog jezika koji je dosad korišćen, i na njemačkom jeziku, za potrebe potencijalnih investitora sa njemačkog govornog područja
- Izrada promotivnih materijala pod zajedničkim logom u saradnji sa MIP BiH za potrebe diplomatsko-konzularne mreže, te sa Ministarstvom spoljne trgovine i ekonomskih odnosa BiH i spoljnotrgovinskom komorom BiH za njihove potrebe
- Zajednički rad sa nadležnim institucijama na jačanju ekonomske diplomatije BiH (sa STK BiH pokrenuta inicijativa da se iz privrede i privrednih asocijacija odaberu stručni savjetnici koji će u okviru DKP mreže raditi na razvoju privredne saradnje i traženju potencijalnih investitora, po uzoru na praksu susjednih zemalja)
- Dostavljanje informacija o novim investicionim projektima, kompanijama u privatizaciji i stečaju potencijalnim investitorima iz baze kontakata FIPA, koja sadrži više od 5 000 raznih kompanija širom svijeta
- Korištenje Facebook i Youtube u funkciji promocije
- Organizovanje posjeta potencijalnih stranih investitora konkretnim investicionim lokacijama za koje su zainteresovani
- Savjetodavne usluge u toku realizacije projekta
- Aktivnosti na postinvesticionoj podršci investitorima – Aftercare program , samostalno i sa partnerima iz Saradničke mreže

- Aktivnosti na ohrabrivanju postojećih stranih investitora u BiH u reinvestiranju i ulasku u nove projekte

Aktivnosti na poboljšanju imidža BiH kao o modernoj državi, ozbiljnom, konkurentnom i sigurnom partneru za ulaganje kapitala obuhvataju:

- Predstavljanje uspješnih priča postojećih investitora
- Kontinuiranu marketinšku kampanju na stranim TV i drugim medijima
- Konstantan rad na unapređenju poslovnog ambijenta
- Učešće u regionalnim projektima (RCC, IFC, WAIPA, Contact Mechanism China – CEEC, posebno saradnja sa agencijama za privlačenje investicija susjednih zemalja)
- Pružanje informacija putem web sajta
- Objavljivanje informacija u domaćim i stranim medijima
- Učešće na značajnim međunarodnim sajmovima i konferencijama

U ovom poslu je najvažnije, a u isto vrijeme i najteže doći do pravih kontakata. FIPA će koristiti svaki kontakt i svaku priliku za širenje informacije o BiH, o projektima, o onome što BiH može ponuditi, pri tome nudeći pomoć FIPA-e u realizaciji projekata od početka do okončanja investicije.





BOSNIA AND HERZEGOVINA  
MINISTRY OF FOREIGN TRADE AND  
ECONOMIC RELATIONS

Broj: 02-19-567-1/16

Datum: 10.03.2016. godine

**BOSNA I HERCEGOVINA**

**Agencija za unapređenje stranih investicija u BiH**

**Grbavička br.4**

**71000 SARAJEVO**

Veza: Dopis broj 05-7-1-479-11/16

**PREDEMT: Postupanje po zaključku Vijeća ministara BiH**

Poštovani,

Postupajući po zaključku Vijeća ministara BiH, u daljem tekstu dostavljamo informaciju o aktivnostima Ministarstva vanjske trgovine i ekonomskih odnosa BiH, a u skladu sa nadležnostima koje su nam povjerene kada je u pitanju politika privlačenja direktnih stranih ulaganja u Bosnu i Hercegovinu, kako slijedi:

Aktivnosti Ministarstva vanjske trgovine i ekonomskih odnosa BiH usmjerene su ka stvaranju povoljnije investicione klime u širokom spektru oblasti kako bi proizvod koji se stavlja na tržište kao BiH bio jednako dobar ili bolji od proizvoda koji nude konkurenti BiH. U toku 2015. godine konkretne korake smo učinili kroz liberalizaciju ulaganja u Bosnu i Hercegovinu, na način da smo ograničenje zadržali samo za ključne sektore koji su od nacionalnog interesa, a to su namjenska proizvodnja i medijski poslovi. Posljednjim izmjenama Zakona o politici direktnih stranih ulaganja u Bosnu i Hercegovinu čak smo i ove sektore liberalizirali na način da je ostavljena mogućnost da Vlada entiteta može donijeti odluku kojom će određeno ulaganje u pomenute sektore izuzeti od restrikcija preko 49%, ukoliko to ocijeni opravdanim, dok je ulaganje u ostale sektore sa stanovišta pomenutog Zakona potpuno liberalno. (Zakon o politici direktnih stranih ulaganja u BiH, „Službeni glasnik BiH“, br. 17/98, 13/03, 48/10 i 22/15).

Naše aktivnosti su kontinuirano usmjerene i na ukidanje i/ili smanjenje administrativnih barijera, te smo u okviru svoje nadležnosti, u nekoliko navrata provodili reforme propisa čime je izvršeno značajno olakšanje za početak poslovanja stranih investitora u Bosni i Hercegovini, kroz smanjenje opterećenja u smislu vremena i novca za strane ulagače, a sve u cilju stvaranja što povoljnijeg poslovnog ambijenta za investiranje.

Na ovaj način smo poslali jasnu poruku stranim investitorima da zemlja kontinuirano radi na unapređenju svog pravnog okvira, a svjesni činjenice da dobro strukturiran Zakon o politici direktnih stranih ulaganja može da se koristiti kao značajan marketinški alat za privlačenje novih i zadržavanje postojećih stranih investicija.

Nadalje, kroz aktivnosti i rad Izvoznog vijeća BiH doprinosimo stvaranju povoljnijeg poslovnog ambijenta s obzirom da se u direktnom kontaktu sa izvoznicima radi na identifikovanju ograničenja i barijera koje otežavaju poslovnim subjektima kvalitetno obavljanje vanjskotrgovinskog poslovanja. U tom smislu članovi Izvoznog vijeća BiH su pripremili i set mjera čijom realizacijom bi se prevazišle mnoge barijere sa kojima se privrednici suočavaju. (Neke od mjera sadržane su i u Informaciji o radu Izvoznog vijeća BiH za period 01.07.2014-31.12.2015. godine).

Stampa: BOSNA I HERCEGOVINA  
AGENCIJA ZA UNAPREĐENJE STRANIH  
INVESTICIJA U BOSNI I HERCEGOVINI  
71000 SARAJEVO  
15.03.16  
PRIMLJENO  
05 07-6 90-2  
04  
06  
02  
01

Međutim, za trenutnu nepovoljnu investicijsku klimu u Bosni i Hercegovini postoje mnogi razlozi kao što su: izostanak sveobuhvatne investicijske politike zemlje, veličina lokalnog tržišta, nizak stepen razvoja infrastrukture, složenost strukture vlasti, i naravno neusklađeno zakonodavstvo na različitim nivoima vlasti što ima za rezultata nepostojanje jedinstvenog ekonomskog prostora što naročito negativno utiče na otvaranje novih radnih mjesta i stvara probleme kompanijama koje žele poslovati na teritoriji cijele zemlje.

Na prijedlog Ministarstva vanjske trgovine i ekonomskih odnosa BiH, Vijeće ministara BiH je donijelo Odluku o privremenoj suspenziji i privremenom smanjenju carinskih stopa kod uvoza određenih roba do 31.12.2016. godine, čime je omogućen uvoz repromaterijala koji se ne proizvode u dovoljnim količinama u BiH, te je dosadašnja primjene iste dala pozitivne efekte u očuvanju radnih mjesta, kao i otvaranju novih.

Zatim, novim Zakonom o carinskoj politici BiH predviđeno je oslobađanje od plaćanja uvoznih dažbina proizvodne opreme koja se ne proizvodi u BiH, koja se uvozi za novu ili proširenje postojeće proizvodnje, modernizaciju proizvodnje, uvođenje nove odnosno savremene postojeće proizvodne tehnologije, a kojom se obavlja neposredna proizvodna djelatnost. Ovo je novina u odnosu na važeći Zakon o carinskoj politici BiH po kojem se oslobađa od plaćanja carine samo za opremu koja predstavlja ulog stranog lica. Što se tiče oslobađanja od plaćanja carine na opremu koja predstavlja ulog stranog lica u više navrata smo urgirali kod Uprave za indirektno oporezivanje BiH hitno donošenje Odluke o izmjeni Odluke o oslobađanju od plaćanja carine na opremu koja predstavlja ulog stranog lica, i njeno usklađivanje sa odredbama Zakona o politici direktnih stranih ulaganja u BiH, čime bi takođe došlo do smanjenja administrativnih barijera i olakšanja poslovanja u Bosni i Hercegovini.

Nadalje, Ministarstvo je dostavilo Vijeću ministara BiH prijedloge Zakona o kontroli vanjskotrgovinskog prometa naoružanja, vojne opreme i proizvoda posebne namjene i Zakona o kontroli vanjskotrgovinskog prometa roba dvojne namjene, kojim se skraćuje rok za izdavanje dozvola za izvoz sa 60 na 30 dana što će doprinjeti daljem povećanju proizvodnje i izvoza. Isti su početkom 2016. godine upućeni u parlamentarnu proceduru.

Što se tiče planova za naredni period u toku su aktivnosti u sklopu novog projekta Svjetske banke "Projekat tehničke podrške vladama u BiH", te u daljem tekstu dostavljamo pregled prioritarnih aktivnosti/mjera, a koje imaju za cilj za unapređenje politike privlačenja stranih ulaganja, kako slijedi:

- Analiza učinka Zakona o vanjskotrgovinskoj politici te provedbenih akata u oblasti vanjskotrgovinske politike, kao i bolja koordinacija u promociji investicija i privlačenju investitora;
- Uspostava Baze podataka o direktnim stranim ulaganjima u BiH koja će pratiti tokove i visinu direktnih stranih ulaganja BiH. Cilj nam je imati informaciju na jednom mjestu o visini stranog kapitala koji se investira u privredu po raznim parametrima i u određenim vremenskim i drugim okvirima, na bazi kojih možemo pouzdano praviti statističke izvještaje za potrebe analiza i/ili informisanja drugih institucija;
- usaglašavanje korelacione liste proizvoda koji se kontrolišu sa carinskom tarifom i ujednačavanje kontrole na granici;
- koordinacija cijena koštanja pregleda na granici te
- bolja koordinacija u promociji investicija i privlačenju investitora.

S poštovanjem,

Dostaviti:

- Naslovu
- Za evidenciju
- a/a

POMOĆNIK MINISTRA  
Dragiša Mekić

Musala 9, 71 000 Sarajevo, tel: +387 33 220 546 faks: +387 33 33 220 546

Musala 9, 71 000 Sarajevo, tel: + 387 33 33 220 546 faks: +387 33 33 220 546

www.mvteo.gov.ba